

DO CARBÓN E O ACEIRO A UNHA MOEDA COMÚN, O EURO



1950: DECLARACIÓN SCHUMAN

O 9 de maio de 1950, o ministro francés de Asuntos Exteriores, Robert Schuman, celebrou unha conferencia de prensa. Pedíulles a outros países europeos que puxesen en común os recursos do carbón e do aceiro. Como o carbón e o aceiro eran compoñentes necesarios para a produción de armas, el esperaba que esta cooperación fíxese imposible unha futura guerra. Ademais, o carbón e o aceiro tamén eran moi importantes para reconstruír o continente despois da guerra.

Declaración Schuman © European Communities, 1950



1979: PRIMEIRAS ELECCIÓNS DIRECTAS AO PARLAMENTO EUROPEO

Os cidadáns das Comunidades Europeas elixiron directamente os seus representantes no Parlamento Europeo por primeira vez en xuño de 1979. Nesa época había nove países, que elixiron a 410 deputados ao Parlamento para o período 1979-1984.

Centro de votación nas eleccións europeas, Bélxica © European Communities, 1979



1986: A ACTA ÚNICA EUROPEA

Trinta anos despois de que os países decidisen establecer un mercado común (os Tratados de Roma), este seguía sen entrar en vigor. Coa Acta Única Europea, os Estados membros acordaron que se debían eliminar todos os obstáculos ao comercio e á libre circulación (asinouse en 1986 e entrou en vigor en 1987).

1993: APERTURA DAS FRONTEIRAS

O 1 de xaneiro de 1993 as fronteiras interiores dos Estados membros da Unión «desapareceron». Entrou en vigor o mercado único, que garante a libre circulación de persoas, bens, servizos e capitais.




2002: INTRODUCCIÓN DO EURO

O euro introduciuse no sistema bancario en 1999. Porén, non se empezou a usar moedas e billetes de euro ata o 1 de xaneiro de 2002.



2012: A UE GAÑA O PREMIO NOBEL DA PAZ

Concedéuselle este premio á UE en recoñecemento aos seus esforzos a prol da paz, a reconciliación, a democracia e os dereitos humanos.



SEGUNDA GUERRA MUNDIAL

Europa quedara arrasada despois da Segunda Guerra Mundial. A guerra destruíu cidades, estradas e gran parte da industria do continente. A economía de Europa estaba en ruínas. A guerra tamén foi devastadora a escala humana: 55 millóns de persoas perderon a vida en todo o mundo, 35 millóns de persoas resultaron feridas e 190 millóns de persoas fuxiron dos seus fogares. O clamor pola paz era máis forte ca nunca.



1951: TRATADO CONSTITUTIVO DA COMUNIDADE EUROPEA DO CARBÓN E DO ACEIRO

Francia, Alemaña, Italia, Bélxica, os Países Baixos e Luxemburgo reaccionaron positivamente á declaración de Robert Schuman. Estes seis países asinaron o Tratado de París en 1951. A Comunidade Europea do Carbón e do Aceiro (CECA) entrou en vigor en 1952.



© European Union, EP

1957: TRATADOS DE ROMA: TRATADOS CEE E EURATOM

Os seis primeiros países querían unha integración económica aínda máis forte. Por iso asinaron dous novos Tratados en 1957: o Tratado CEE e o Tratado Euratom, tamén coñecidos como os Tratados de Roma.

- **Comunidade Económica Europea (CEE):** os países acordaron fusionar gradualmente as súas economías separadas nun mercado común, empezando por unha unión aduaneira. Este Tratado marcou o inicio da cooperación en materia de agricultura, pesca, política portuaria e política de transporte.
- **Euratom:** esta cooperación en materia de enerxía nuclear tiña como obxectivo a investigación conxunta de posibles aplicacións civís da enerxía nuclear.

Os Tratados de Roma entraron en vigor en 1958.



Sinatura dos Tratados de Roma © AP, 1957 - Source EC Audiovisual Service

1992: TRATADO DA UNIÓN EUROPEA – TRATADO DE MAASTRICHT

O Tratado de Maastricht marcou o inicio real da cooperación a nivel político, xunto coa integración económica existente. Déuselles un novo nome ás antigas Comunidades Europeas: a Unión Europea. A «nova» Unión Europea constaba de tres alicerces principais:

1. **Integración económica:** os Estados membros decidiron reforzar a integración económica e establecer unha moeda europea común: o euro.
2. Cooperación en materia de **política exterior e de seguridade.**
3. Cooperación en materia de **asuntos de interior e xustiza.**

Este Tratado asinouse en 1992 e entrou en vigor en 1993.



1997: TRATADO DE ÁMSTERDAM

Coa perspectiva da ampliación da Unión Europea cara ao leste de Europa, a UE precisaba estar lista para un aumento significativo do número de Estados membros. Era especialmente necesaria unha reforma do proceso decisorio: menos decisións por unanimidade e máis por maioría de votos. O primeiro intento de modificación foi o Tratado de Ámsterdam (asinado en 1997, en vigor en 1999). Non obstante, o Tratado non estivo á altura desta expectativa.

2001: TRATADO DE NIZA

A medida que se achegaba a data da adhesión dos novos países, fíxose un segundo intento de reforma da Unión Europea co Tratado de Niza (asinado no 2001, en vigor no 2003). Tampouco logrou facilitar a toma de decisións.

2004-2005: A CONSTITUCIÓN EUROPEA

Tras os dous intentos malogrados de reformar a Unión, en xuño do 2004 fíxose unha terceira tentativa coa Constitución Europea. Debido á importancia da Constitución Europea, e tamén a que se utilizaba a palabra «constitución», algúns países decidiron organizar un referendo.

A poboación de Francia e dos Países Baixos votou en contra desta nova «Constitución para Europa». Debido a que cada novo Tratado da UE debe ser aprobado por todos os Estados membros, a Constitución non puido adoptarse.

2007: TRATADO DE LISBOA

O Tratado de Lisboa cambiou con éxito o modo de funcionar das institucións da UE. Tomar decisións a escala europea fíxose máis doado. As novas normativas entraron en vigor en decembro do 2009 e aínda determinan o xeito en que funciona a UE.



O 13 de decembro de 2007, o Tratado de Lisboa foi asinado polos 27 Estados membros en Lisboa © European Communities 2007.

2016: O REFERENDO BRITÁNICO SOBRE A SÚA RETIRADA DA UE

O 23 de xuño de 2016 á maioría dos cidadáns do Reino Unido formulóuselles a seguinte pregunta: «Debería o país seguir pertencendo a Unión Europea ou retirarse da Unión Europea?». Un 51,9 % votou a favor de retirarse e un 48,1 % votou a favor de seguir, o cal deu lugar ás negociacións para a retirada do Reino Unido da Unión Europea, co resultado de que se converteuse no primeiro país en abandonala.



Papeleta de votación do referendo sobre o Brexit, o 23 de xuño.

2020: O REINO UNIDO RETÍRASE OFICIALMENTE DA UE

O Reino Unido retirouse oficialmente da Unión Europea o 31 de xaneiro de 2020, logo de tres anos de negociacións.

